

Data 01.02.2023

PROCESVERBAL- TIPI I KONTRATËS - SHËRBIME

**PËR ARGUMENTIMIN DHE MIRATIMIN E TERMAVE TE REFERENCES DHE
KRITEREVE PËR KUALIFIKIM**

(Ky procesverbal është për efekt publikimi bashkë me dokumentet e tenderit)

OBJEKTI I PROCEDURËS: “Mirëmbajtja e Pajisjeve hardware dhe blerje licenca për office 365”

KODI PËRKATËS NË FJALORIN E PËRBASHKËT TË PROKURIMIT (CPV): 48000000-8;
48218000-9; 48311000-1; 50312100-6

VLERA E FONDIT LIMIT: 3,242,393 (tre milion e dyqind e dyzet e dy mijë e treqind e nëntëdhjetë e tre) lekë pa tvsh

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik” i ndryshuar, autoriteti/enti kontraktor **Albanian Gas Service Company SH.A** ka hartuar procesverbalin për argumentimin dhe miratimin e termave të referencës dhe kritereve për kualifikim për procedurën e sipërcituar, me përmbajtjen si më poshtë:

I. KRITERET E VEÇANTA TË KUALIFIKIMIT janë të njëjta për të II Lotet përkatësisht:

1. Kandidati/ofertuesi duhet të dorëzojë:

a. Sigurim oferte, sipas Shtojcës 3;

b. Formulari përmbledhës i vetdeklarimit, sipas Shtojcës 9

Argumentimi: Kërkesat e mësipërme janë përcaktuar bazuar në nenet 76, 82 “Formulari përmbledhës i vetdeklarimit”, në nenin 83 ”Sigurimi i ofertes”, të Ligjit Nr.162/2020 “Për Prokurimin Publik”, si dhe në nenin 30/1, të VKM-së Nr.285, datë 19.5.2021 “Për Miratimin e Rregullave të Prokurimit Publik, të ndryshuar.

2. Kandidati/Ofertuesi duhet të dorëzojë:

2.1 Kapaciteti ekonomik dhe financiar:

2.1.1 Për të provuar kapacitetet financiare dhe ekonomike, operatorët ekonomikë duhet të paraqesin vërtetim për xhiron vjetore për vitet financiare 2020, 2021, ku vlera e xhiros për të paktën një nga vitet e periudhës së kërkuar duhet të jetë jo më e vogël se 40 % të fondit limit të lotit përkatës, apo shumatores së fondit limit të të dy loteve për të cilat oferton.

Argumentimi: Kërkesa e mësipërme është përcaktuar bazuar në nenin 77, pika 3 të LPP, si dhe nenin 43, pika 2/c të VKM nr. 285, datë 19.05.2021 “Për miratimin e rregullave të prokurimit publik”, i ndryshuar, si dhe në legjislacionin e fushës në fuqi, përkatësisht në Ligjin nr. 8438, datë 28.12.1998 "Për tatimin mbi të ardhurat", i ndryshuar, VKM nr. 922 datë 29.12.2014 "Për deklarimin e detyrueshëm të deklaratave tatimore dhe të dokumenteve të tjera tatimore, vetëm nëpërmjet formës elektronike", si dhe në Udhëzimin e Ministrit të Financave nr.5, datë 30.01.2006, "Për tatimin mbi të ardhurat", i ndryshuar.

Përcaktimi i vlerës është bërë brenda kufirit të vlerës të përcaktuar në rregullat e prokurimit publik dhe paraqitja e një dëshmie të lëshuar nga administrata tatimore vërteton besueshmërinë dhe kapacitetet financiare që ka një operator ekonomik ofertues nëpërmjet xhiros të realizuar në një nga këto vitet e fundit. Është e rëndësishme që ofertuesi para se të dorëzojë ofertën të kuptojë dhe të vlerësojë aftësitë/mundësitë e tij që lidhen me kapitalin e nevojshëm për ekzekutimin me sukses të një kontrate të kësaj përmase që AK po prokuron.

2.2 Aftësitë teknike:

2.2.1 Operatori ekonomik duhet të paraqesë dëshmi për shërbime të mëparshme të ngjashme, të kryera gjatë tre viteve të fundit nga data e shpalljes së njoftimit të kontratës, në një vlerë jo më të vogël se 20 % të vlerës së fondit të limit të kësaj kontrate.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- *për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik dhe fatura tatimore të shitjes, ku shënohen datat, shumat dhe shërbimet e furnizuara.*
- *për përvojën e mëparshme të realizuar me sektorin privat, operatori ekonomik duhet të paraqesë faturën përkatëse tatimore të shitjes ku të shënohen datat, shumat dhe shërbimet e furnizuara.*

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” dhe nenin 55, pika 4/b të VKM nr. 285, datë 19.05.2021 “Për miratimin e Rregullave të Prokurimit Publik”. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën që AK kërkon të realizojë, prandaj është kërkuar që shërbimet e mëparshme të ngjashme të jenë në vlerën jo më pak se 20% të vlerës së fondit limit, që është brenda vlerës kufi të përcaktuar në nenin e sipërcituar.

Përcaktimi i vlerës së kërkuar për kontratat e ngjashme është vendosur brenda kufirit të vlerës të përcaktuar në rregullat e prokurimit publik dhe i shërben AK për të treguar se ofertuesit me kapacitetet e tyre kanë realizuar kontrata të ngjashme me objektin që prokurohet në vlerën prej 20% të fondit limit, në afat dhe me cilësi dhe rrit besueshmërinë mbi përvojën që ka ofertuesi në treg. Përvoja e ngjashme është një “kompetencë thelbësore”, ndaj operatorët ekonomikë duhet të paraqesin dëshmi të tilla si referenca/fatura tatimore për ta provuar kryerjen e tyre qoftë me sektorin privat dhe atë publik.

2.2.2 Certifikatë për Sistemin e Menaxhimit të Cilësisë ISO 9001-2015, e cila duhet të jetë në fushën e objektit të prokurimit.

Argumentimi: Kjo kerkese eshte vendosur bazuar në nenin 79, pika 1 e Ligjit nr. 162, datë 23.12.2020 “Për prokurimin publik”, si dhe në nenin 44 “Kërkesat e Cilësisë” të VKM-së nr.285, datë 19.05.2021 “Për Miratimin e Rregullave të Prokurimit Publik”, ku përcaktohet se: *Autoriteti kontraktor mund të kërkojë edhe certifikata, të lëshuara nga organe të pavarura, që vërtetojnë pajtueshmërinë e kandidatit ose të ofertuesit me standardet e kërkuara të cilësisë, përfshirë edhe standardet për menaxhimin e mjedisit dhe shëndetit, si dhe certifikata të lëshuara nga organe të pavarura të njohura nga sistemet e standardizimit kombëtar ose ndërkombëtar. Certifikatat e kërkuara duhet të jenë në përpjesëtim dhe të lidhura ngushtë me objektin e kontratës, duke respektuar edhe parimin e mosdiskriminimit.*

Nisur nga norma ndërkombëtare që përfaqëson ISO-ja 9001:2015 “Sistemi për Menaxhim të Cilësisë”, aplikohet për kompani të ndryshme përfshirë këtu edhe shoqëritë që ushtrojnë aktivitet tregtar në fushën e pajisjeve kompjuterike dhe mirëmbajtjes të tyre pavarësisht madhësisë apo kompleksitetit që ato kanë ose fushës së veprimtarisë që ato ushtrojnë. Vendosija e ISO 9001:2015 na shërben për të na treguar sistemin e administrimit të shoqërisë, zotësinë e operatorëve ekonomikë për zbatimin e kërkesave të vazhdueshëm të tij për të siguruar konformitetin në zbatimin e kërkesave. Disponimi i kësaj ISO-je rrit kompetivitetin, besueshmërinë dhe performancën e subjektit tregtar në treg, ndaj duke qenë se është e lidhur ngushtësisht me objektin e prokurimit dhe nuk kufizon konkurrencën, OE duhet ta paraqesin atë.

2.2.3 Operatori ekonomik duhet të deklarojë se disponon kompetencë në implementimin e çdo përditësimi për të përmirësuar sistemin gjatë gjithë periudhës së zbatimit të kontratës.

Ky kriteri konsiderohet i permbushur me plotësimin e formularit sipas shtojcës 9 të DT (Pjesa IIIA).

2.2.4 Operatori ekonomik duhet të ketë te punësuar të paktën:

- *1 inxhinier, i diplomuar në Teknologji të Informacionit dhe Komunikimit ose në profil të ngjashme, i specializuar në fushën e "Infrastrukturës IT dhe konfigurimit të rrjetit" ose ekuivalent si pjesë e ekipit të konfigurimit të pajisjeve, siç tregohet në specifikimin teknik.*

- *3 teknik, të diplomuar në Teknologji të Informacionit ose profil të ngjashëm/kurse të specializuara, për menaxhimin e programeve kompjuterike dhe pajisjeve siç tregohet në specifikimin teknik.*

Për të plotësuar këtë kriter OE duhet të paraqesë listepagesen e muajit të fundit nga data e hapjes se ofertave, diplomat dhe certifikatat.

Ky kriteri konsiderohet i permbushur me plotësimin e formularit sipas shtojcës 9 të DT. Dokumentat e kërkuara më sipër (listepagesen, diplomat, certifikatat) do të paraqiten në rastin kur OE shpallet fitues, ose nëse kërkohen sqarime nga autoriteti kontraktor.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” si dhe në nenin 41, pika 4/b, c “Kërkesa të veçanta për kontratat e shërbimeve” të VKM nr. 285, datë 19.05.2021 “Për miratimin e Rregullave të Prokurimit Publik” ku parashikohet se: *Për të provuar përshtatshmërinë për të kryer veprimtarinë profesionale, kapacitetet teknike dhe profesionale, autoriteti/enti kontraktor kërkon:*

b) një listë të personelit kryesor, të nevojshëm për të zbatuar objektin e prokurimit dhe/ose komponentët e saj. Lista e personelit kryesor duhet të përfshijë CV-të e tyre dhe licencat profesionale, kur kanë të tilla sipas legjislacionit përkatës; dhe/ose

c) fuqinë punëtore të operatorit ekonomik të nevojshëm për ekzekutimin e objektit të prokurimit;

Referuar kërkesave të projektit, termave të referencës së shërbimit dhe grafikut të ekzekutimit, AK kërkon të realizojë blerje shërbimi, ku përfshihet instalimi/konfigurimi dhe mirëmbajtja e tyre duke lejuar komunikimin midis qendrave të mirëmbajtjes midis tyre dhe me selinë qendrore sipas termave të referencës. Gjithashtu, sipas kërkesave të projektit, OE duhet të ofrojë sigurimin, konfigurimin fillestar dhe funksionimin e duhur të infrastrukturës (ne kuadër të infrastrukturës tërësore të komunikimit të AGSco sha.

Te paktën 1 specialist të certifikuar në nivel profesional ose ekuivalent, fusha Routing & Sëitching. Gjate projektit, kërkohet të kryhen implementime dhe konfigurime të rrjetit LAN me qëllim përmirësimin e rrjetit. Me konkretisht kërkohet të kryhen konfigurimet e pajisjeve sëitch, router, fireëall etj. për segmentimin e përdorueseve si dhe integrimi i infrastrukturës së re të prokuruar. Niveli profesional në fushën Routing dhe Sëitching, garanton Autoritetin se Operatori Ekonomik ka specialist të aftë me ekspertizën e nevojshme për të planifikuar, implementuar, integruar dhe diagnostikuar rrjetin LAN të autoritetit.

Certifikimi i stafit në fushën e kërkuar në nivel profesional ose ekuivalent, garanton Autoritetin se shërbimet e kërkuara do të kryhen nga një staf me njohuri të avancuara dhe të certikuara në përzgjedhjen, zhvillimin, implementimin dhe suportin e pajisjeve dhe funksioneve të sigurisë që këto pajisje ofrojnë. Kjo kërkesë do të plotësohet me sigurimin dhe implementimin e pajisjeve për komunikim midis qendrave të mirëmbajtjes dhe selisë qendrore, dhe shërbimeve të konfigurimit të nevojshme në këto pajisje.

Numri dhe certifikimi i stafit në nivel profesional ose ekuivalent, garanton Autoritetin se shërbimet e kërkuara do të kryhen, në të gjitha qendrat. Nga ky aspekt deponimi minimalisht e një inxhinieri (qofte për projektimin, implementimin dhe segmentimin e projektit) është domosdoshmëri e lidhur ngushtë me realizimin me sukses të kontratës. Meqenëse shërbimi do të mbulojë disa qendra me pozicione gjeografike me distancë (Tiranë, Fier, Korçë, Çorovodë) e bën të domosdoshme që OE të disponojë gjithashtu te paktën 3 teknike si për implementimin ashtu edhe për ofrimin e shërbimit përgjatë afatit të zbatimit të kontratës. Kjo tregon që operatorët ekonomikë zotërojnë kualifikimet e nevojshme teknike, profesionale, kapacitetet organizative, besueshmëri, si dhe personelin e nevojshëm, gjithçka në funksion të realizimit me sukses të kësaj kontrate, e provuar kjo nëpërmjet paraqitjes së dokumentacionit të kërkuar në këto dy kritere, diplomat dhe certifikatat , të cilat vërtetojnë kualifikimet përkatëse.

Kërkesa të tjera të veçanta për kualifikim

2.2.5 Operatori ekonomik duhet të deklarojë se do zbatojë rregullat e percaktuara ne Kodin e Etikes te AGS SH.A lidhur me realizimin e objektit te kesaj kontrate. (ky kod eshte i publikuar në SPE se bashku me DT).

Argumentimi: Kërkesa e mësipërme është përcaktuar bazuar në nenin 41/6 të VKM nr.285, datë 19.05.2021 “Për miratimin e Rregullave të Prokurimit Publik” i ndryshuar ku parashikohet se: Autoriteti/enti kontraktor, përveç kërkesave të parashikuara në këtë nen, mund të përcaktojë kritere të tjera të veçanta, në varësi të objektit që prokurohet, të cilat i vlerëson të nevojshme për ekzekutimin me sukses të kontratës.

AGS SH.A është një shoqëri shërbimesh operative, përgjegjëse për kryerjen e veprimtarisë së mirëmbajtjes dhe shërbimeve teknike për Trans Adriatic Pipeline AG sipas Marrëveshjes së Mirëmbajtjes midis Trans Adriatic Pipeline AG dhe AGSco. Ndaj AGSco në marrëdhëniet me biznesin, bazohet dhe ndjek parimet e besnikërisë, korrektësisë, transparencës, efikasitetit dhe tregut te lire, parime këto të përcaktuara jo vetëm në legjislacionin e prokurimit por edhe në Kodin e Etikës të shoqërisë. Në këtë Kod janë përcaktuar edhe rregullat mbi (praktikat korruptive, favorret e paligjshme, marrëveshjet e fshehta dhe kërkesat për përfitime personale për veten ose te tjerët etj.), që grupet e interesit (përfshirë ofertuesit) duhet t’i vlerësojnë nëse ato kërkojnë të bashkëpunojnë me AGS SH.A, prandaj përpara se operatorët ekonomikë të ofertojnë duhet të njihen dhe marrin përsipër t’i zbatojnë këto rregulla. Për më tepër, argumentojmë se këto rregulla nuk bien ndesh me rregullat e prokurimit publik, prandaj është vlerësuar nga ana jonë edhe vendosja e kriterit se operatori ekonomik duhet të vetëdeklarojë se do zbatojë rregullat e përcaktuara ne Kodin e Etikes të AGS SHA qe kane lidhje me realizimin e objektit te kesaj kontrate.

II. Argumentimi i termave të referencës

Termat e Referencës janë hartuar duke marrë në konsideratë detyrimet që rrjedhin nga nevojat e Autoritetit Kontraktor, për shërbimin objekt procedure prokurimi, natyrën e shërbimit dhe afatin kohor për realizimin e këtij shërbimi si dhe bazuar në nenin 36 të Ligjit Nr. 162/2020 “Për prokurimin publik”, në nenin 41/1 të VKM nr.285, datë 19.05.2021 “Për miratimin e Rregullave të Prokurimit Publik” i ndryshuar.